



هفته‌آك جریده فنیه و ادبیه

مدیر مسئول قصبار

ابونه بدلی

اداره خانه‌سی؛ باب‌عالی جاده‌سندھ قصبار مطبعه و کستخانه‌سیدر
جریده‌یه متعلق خصوصات ایچون مدیره مراجعت اولنور . [نسخه‌سی ۲۰ یاره] بر سنه‌لکی پوسته اجریله برابر ۳۰ غروشدر اداره خانه‌دن
آلتحق اوزره ۲۰ وایی کاغذ اوزریشته مطبوع نسخه‌لر ایچون ۵۰ غروشدر.

تعريفات سيد ترجمه سی

بکری طقوزنجی نسخه مزدن مابعد

جعل - عامله عملی اوزرینه ویریلان اقتداردر.

جلد - (محسن) اولیانله یعنی ناموسی لکلی اولانله مخصوص و جلده ضربدن عبارت جزادرکه محسن اولانلرک بوکا بدل جزاسی (زجم) یعنی طاشلامقدر.

جلوه - عبدک نعوت الهیه ایله خلوتدن خروجیدر. بوراده (عبد) ذن مراد اعضاسی انایتدن محو اولاندرکه اعضا یلا عبد بحقه مضافدر. (و مارمیت اذرمیت و و ان الذین یسیامعون الله آیت کریمه لرنده اولدینی کبی.

جلال - صفاتدن قهر و غضبه تعلقی اولاندر.

جمع و تفرقه - فرق سکا - بت ایدیلان و جمع سندن سلب اولناندرکه معناسی و وظائف عبودیتک اقامه سیله احوال بشریه یه یاراشان کی شیلر (فرق) و قبل حقدن ابداء معانی و ابتداء لطف و احسان کی شیلر (جمع) اولوب بونلرک عبده لزوملری واردیز. زیرا تفرقه سی اولیانک عبودیتی و جمعی اولیانک معرفتی اولماز. عبدک (ایا ک نعبد) دیمی اثبات عبودیت واسطه سیله تفرقه نک اثباتی و (ایا ک نستعین) دیمی جمعک طلبی اولوب تفرقه ارادتک بدایتی و جمع نهایتیدر.

جمع الجمع - جمعدن اتم و اعلا بر مقسام آخر اولوب (جمع) اشیا نک شهود بالله ایله اتصافی و جناب حقک معاوتی اولدیق (حول و قوه) دن تبراسی. (جمع الجمع) ایسه کلیاً استهلاک و جناب حقک ماعداسندن انفادرکه مرثیه احدیتدر.

جوود - نفسه حاصل بر هیئتدرکه وجودی خالنده لازم اولسون اولسون هر شیده قصور ایدیلور.

جمعیة - جناب حقه توجه خصوص سنده اجتماع هم و شائبة ماسوا دن تعری ایله حضرت ربله اشتغالدرکه تفرقه یه مقابلدر.

جمع مذکر - آخریه ماقبلی مضموم (واو) یا خود ماقبلی مکسور (یاء) ایله مفتوح (نون) لاحق اولاندر.

جمع صحیح - مفرد صیغه سنک نظم و بناسنی دکشدر میاندر.

جمع مؤنث - ایستر (مسلمات) کی مؤنث اولسون (دریهمات) کی مذکر بولسون آخریه (الف) ایله (تاء) لاحق اولاندر.

جمع مکسر - مفردک بناسنی دکشدر بندر. (رجال) کی

جمع قلة - اون ودها آزینه قرینه سز ودها چوغنه قرینه ایله اطلاق اولناندر.

جمع کثرة - جمع قلتک عکسیدرکه هر بری دیکرینه بدل استعاره قولانیلور. (ثلاثة قروء) آیت کریمه سنده (اقراء) رینه قولانیلان (قروء) کبی.

جمال - صفاتدن لطف و رضایه تعلقی اولاندر.

جم - (مفاعلتن) دن میم ایله لامی حذف و باقی قلان (فاعلتن) ی (فاعلتن) نقل ایتکدرکه بحالده (اجم) اسمنی آلور. جمله - ایستر (زید قائم) کی بر معنای افاده ایتسون ایستر (ان بکرمی) کی بر معنای افاده سی جواب شرطه متوقف اولوق حبسیله بر مؤدای مفید اولسون بر برینه اسناد ایدیش ایکی کله دن مرکب هیته دینورکه (جمله) مطلقاً (کلام) دن اعمدر.

جمله معترضه - کندینه ویا اجزا سندن برینه متعلق معنای تقریر ایچون (جمله) مستقله نک اجزاسی آراسنه داخل اولاندر. (زید، طال عمره، قائم) کبی. جنس - انواعی مختلف بر جوق شئیته دلالت ایدن اسمدر.

جنس - (ماهو) سؤالنه جواباً حقیقتلری مختلف بر جوق شئیته دلالت ایچون ایراد ایدیلان کلیدر. کلی ایسه جنسدر. (حقیقتلری مختلف) قیدی (نوع) و (خاصه) و (فصل قریب) ی و (ماهو سؤالنه جواباً) تخصیصی (فصل بعید)، (عرض عالم) ی تعریفدن خارج قیلارکه جواب وارد

ماهیت و بوکا مماثل جنسده مشترک بر شیه تماس ایدر یعنی
جانسنک کندیته ماندا یسه (انسان) ه نسبتله (حیوان) کی-
قریب و جنسک کندیته عائد اولیه دق یا لکیز ماهیتله بعض
امثالنه تماس ایلر سه - (انسان) ه نسبتله (جسم) نامی کی-
بعید اولور.

جهل بسیط - علم اولق ایچون لازم اولان شیئی
بیلمامکدر.

جهل مرکب - واقعه غیر مطابق جزم و اعتقاددن
عبارتدر.

باب الحاء

حافظه - محلی دماغک تجویف اخیری اولان بر
قوتدر که (خیال) (حس مشترک) - خزینسی اولدینی کی
(حافظه) ده (وهم) ک ادراک ایستدیکی شیلری حفظه
مخصوص بر خزینه سیدر.

حادث - عدهماً مسبوق ایسه (حدوث زمانی)
و بشقه-نه احتیاجله مر بوط ایسه (حدوث ذاتی) ایله متصف
اولان شیدر.

حال - لغته ماضینک نهایت و مستقبلک بدائی
و اصطلاحده فاعل و یا مفعول بهک هیئتیی بیان ایدن شیدر.
(ضربت زیداً قائماً) مثاللر ده اولدینی کی. اهل حقیقت
عندنده (حال) تصنع، اجتناب و اکتساب کی شیلردن
عاری صورته قلبه وارد و کندنی بر مثل تعقیباتسون
اتمسون صفات نفسک ظهور یله زائل اولان حزن،
طرب، انقباض و انبساط و سائر هیئتدر که دائم اولور سه
(مقام) اسمی آلور. (احوال) مواهب (مقامات) مکاسب
اولوب برنجیسی اثر جود و ابکنجیسی محصلول سی
و مجهوددر.

حال مؤکده - ذوالحالک دوامبجه اتدن منفک
اولماسی احتمالی غالب اولاندیر.
حال متقلله - حال مؤکده نک خلا فیدر.

حجج - شیء معظه قصد و اصطلاح شرع انورده
صفه مخصوصه ایله وقت مخصوصه-نده بیت اللهی شرائط
مخصوصه ایله زیارت کیمکدر. مابعدی وار

جنون - افعال و اقوالک - مکرکه نادر آ اولسون -
عقله موافق جریانه مانع اوله جق صورته عقلک اختلالی
اولوب (ابی یوسف) ه نظراً بر سینه دبری حاصل ایسه
(مطبق) ودها از مدتدبری حاصل ایسه (غیر مطبق) در.

جنایه - نفسه و یا غیر یسه ضرری متضمن هر محظورلی
فعلدر.

جوهر - اعیانده بولندینی حالده موضوع تصویریه
مانع ماهیت اولوب (هیولی)، (صوره)، (جسم)، (نفس)
(عقل) دن عبارت اولق اوزره بشه منحصردر. چونکه
جوهر یا (مجرد) و یاخود (غیر مجرد) اولوب برنجیسی
یا (عقل) کی تدبیر و تصرف تعاقی صورته بدنه متعلق
اولور و یاخود (نفس) کی متعلق اولمز. ابکنجیسی ایسه
یا (جسم) کی مرکب یاخود (صوره) کی حال و یاخود (هیولی) نه
کی محل اولور. اصطلاح اهل الله ده بوحقیقت جوهر
(رحمانی) و (هیولی) کی و بولنه متعلق اولان موجودات
(کلمات الهیه) تسیمه اولنور. قل لوکان البحر مدداً ...
(آیت کریمه سی ایسه بوکا دالدر. شوراسیده معلوم
اوله که جوهر یا (عقل) و (نفس مجرد) کی (بسیط
روحانی) یاخود (عناصر) کی (بسیط جسمانی) اولور و یاخود
جنس و فصلدن مرکب (ماهیات جوهریه) کی خارجه دکل،
یا لکیز عقلده (مرکب) بولنور و یاخود و ایلد ثلثه کی
بولنردن (مرکب) اولور.

جود - لازم اولان بر شیتی هیچ بر شیه قارشولق
اولیه دق و بر مکدن عبارت بر صفتدر که اهل اولمیان بر آدمه
بر غرض دنیوی ایچون کتابی باغشلاق (جود)
اوله ماز.

جوده فهم - ملز و ماندن لوازم تحت استقالدر.

جهاد - دین حقه دعوتدر.

جهل - بر شیتی ذات و ماهیتک خلاقی بر صورتده

